



XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

galicia

ANEXO A

BASES DA CONVOCATORIA

I. Normas xerais

I.1. O obxecto do proceso selectivo será a cobertura de catro (4) prazas de percebe na modalidade de a pé na confraría da Garda.

I.2. Requisitos dos candidatos para a obtención do permiso de explotación

Para obter o permiso de explotación de percebe na modalidade de a pé os aspirantes deberán cumprir no día de finalización do prazo de presentación de solicitudes e manter ata o momento da expedición do permiso de explotación os seguintes requisitos, consonte o disposto nos artigos 4.1. e 17 do Decreto 425/1993, do 17 de decembro (modificado polo Decreto 114/2007, do 31 de maio e o Decreto 48/2013 do 7 de marzo):

a) Realizar de forma habitual e como medio fundamental de vida os labores de marisqueo, sen prexuízo de que estas se simultaneen con outras actividades de explotación do mar.

b) Estar empadroado nun municipio do litoral de Galicia.

c) Estar en posesión do certificado de percebeiro.

d) Ser maior de 18 anos ou menor emancipado e non superar a idade exixida para ter dereito á pensión de xubilación, na súa modalidade contributiva, conforme ao previsto na normativa da seguridade social.

e) Non ser perceptor de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptor da renda de integración social de Galicia (*ver apartado III.b*)).

f) Non estar incapacitado para exercer os labores de marisqueo.



XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

g) Non ter sanción firme en vía administrativa en materia de protección de recursos mariños, pendente de pagamento.

I.3. Solicitudes

I.3.1. As persoas que desexen presentarse ao proceso selectivo, deberán facelo constar mediante unha instancia que se axustará ao modelo que se publica como anexo II da Orde do 30 de decembro, pola que se regula a explotación dos recursos específicos no ámbito da Comunidade Autónoma de Galicia e que tamén estará a disposición na guía do cidadán da páxina web <http://www.xunta.gal> (anexo D).

Xunto coa instancia presentarase:

a) Xustificante de ter aboadas as taxas correspondentes. A presentación do xustificante do ingreso das taxas sen o selo da entidade bancaria con indicación da data determinará a exclusión do aspirante. En ningún caso a presentación deste xustificante suporá a substitución da presentación en tempo e forma da solicitude.

b) Copia compulsada do documento nacional de identidade. Esta copia só se presentará no caso de non acreditar consentimento expreso para comprobar os datos de identidade mediante consulta ao sistema de verificación de datos, dacordo co Decreto 255/2008, do 23 de outubro, polo que se simplifica a documentación para a tramitación dos procedementos administrativos e se fomenta a utilización dos medios electrónicos, e a Orde do 7 de xullo de 2009, pola que se desenvolve o antedito decreto.

c) Copia compulsada da seguinte documentación, que acredita cada un dos criterios a ter en conta segundo o baremo aprobado pola Dirección Xeral de Ordenación e Xestión dos Recursos Mariños para a valoración das solicitudes presentadas:

c.1) Demandante de emprego:

- Informe de períodos de inscrición do Servizo Público de Emprego actual xunto co informe actualizado da vida laboral.

Non será necesario presentar a documentación deste apartado, en caso de autorización á Consellería do Mar para a consulta destes datos.



XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

galicia

No suposto de imposibilidade material de obter o documento, a xefatura territorial poderá requirirille á persoa solicitante a súa presentación ou, na súa falta, a acreditación por outros medios dos requisitos a que se refire o documento, con anterioridade á formulación da proposta de resolución, de acordo co disposto no artigo 49.2 da Orde do 30 de decembro de 2015, pola que se regula a explotación dos recursos específicos na Comunidade Autónoma de Galicia

c.2) Formación:

- Copia compulsada dos diplomas, acreditacións ou certificados de asistencia a cursos relacionados coas materias indicadas no baremo.

Tan só se valorarán aqueles cursos que estean finalizados na data de publicación da convocatoria e que figuren inscritas no catálogo de actividades formativas, de conformidade co establecido no anexo C.

- Documentación compulsada que acredite a titulación académica.

c.3) Experiencia profesional:

- copia compulsada dos permisos de explotación para marisqueo a pé para recursos específicos e/ou para marisqueo a pé nos dous últimos anos anteriores á data de publicación da convocatoria.

- copia compulsada dos cadernos de navegación con embarques como percebeiro/a (con acreditación) ou como mergullador/a en embarcacións que contan coa modalidade de recursos específicos no seu permiso de explotación nos dous anos anteriores á data de publicación da convocatoria.

c.4) Estar empadroadado nun concello do ámbito territorial da confraría de A Guarda:



XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

- Certificación actual de empadramento no que conste a antigüidade. Este documento só se presentará no caso de non acreditar consentimento expreso para comprobar os datos de residencia mediante consulta ao sistema de verificación de datos de residencia, de acordo co Decreto 255/2008, do 23 de outubro, e a Orde do 7 de xullo de 2009.

No suposto de imposibilidade material de obter o documento, a xefatura territorial poderá requirirille á persoa solicitante a súa presentación ou, na súa falta, a acreditación por outros medios dos requisitos a que se refire o documento, con anterioridade á formulación da proposta de resolución, de acordo co disposto no artigo 49.2 da Orde do 30 de decembro de 2015, pola que se regula a explotación dos recursos específicos na Comunidade Autónoma de Galicia.

I.3.2. As solicitudes dirixiranse á Xefatura Territorial da Consellería do Mar en Vigo e presentaranse directamente ou a través das entidades asociativas do sector, no prazo de quince (15) días hábiles, que se contarán a partir do día seguinte ao que se publique esta convocatoria no taboleiro de anuncios das xefaturas territoriais e na páxina web <http://www.mar.xunta.gal>.

As solicitudes e a documentación acreditativa, deberán presentarse preferiblemente por vía electrónica a través do formulario normalizado dispoñible na sede electrónica da Xunta de Galicia (<https://sede.xunta.es>) de acordo co establecido nos artigos 27 da Lei 11/2007, do 22 de xuño, de acceso electrónico dos cidadáns aos servizos públicos e 24 do Decreto 198/2010, do 2 de decembro, polo que se regula o desenvolvemento da administración electrónica na Xunta de Galicia e nas entidades dela dependentes.

Opcionalmente, tamén se poderán presentar en soporte papel en calquera dos lugares e rexistros establecidos no artigo 16.4 da Lei 39/2015, do 2 de outubro, mediante a presentación do formulario normalizado dispoñible na sede electrónica da Xunta de Galicia.

I.4. Admisión de aspirantes

Logo de rematar o prazo de presentación de instancias, de acordo co disposto no artigo 68 da Lei 39/2015, do 2 de outubro de Procedemento administrativo das administracións públicas, se a solicitude non reúne os requisitos sinalados, requiriráselle á persoa interesada para que nun prazo de dez (10) días hábiles a subsane, con indicación de que, se así non o fixese, se lle terá por desistida da/s súa petición, logo dunha resolución expresa.

A notificación, por tratarse dun acto integrante dun procedemento de concorrencia competitiva e de conformidade co establecido nos artigos 42 e 43 da Lei 39/2015, do 2



galicia

XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

de outubro, farase mediante publicación no taboleiro de anuncios da xefatura territorial e na páxina web <http://www.mar.xunta.gal> e producirá os mesmos efectos que a notificación individualizada. Esta publicación tamén se realizará, con carácter informativo, nos taboleiros de anuncios das Xefaturas Comarcais de Pontevedra e Vilagarcía de Arousa, así como no taboleiro de anuncios da Confraría de Pescadores de A Guarda.

II. Proceso selectivo

Todas as solicitudes presentadas polos aspirantes admitidos ao proceso convocado serán baremadas consonte o baremo aprobado por Resolución do 4 de maio de 2016, da Dirección Xeral de Desenvolvemento Pesqueiro, que figura como anexo B da presente convocatoria, e considerando que a valoración do tempo transcorrido como desempleado se considerará sempre que sexa demandante de emprego debidamente acreditado na data da publicación da convocatoria. Valorarase o tempo inscrito como desempleado durante un máximo de 1 ano contando dende o día anterior á data de publicación da convocatoria.

Logo de baremar as solicitudes, a Xefatura Territorial publicará unha relación provisional de admitidos, con indicación da puntuación acadada por cada un das persoas solicitantes. Concederáselles un prazo de quince (15) días hábiles para os efectos de presentación das alegacións que se consideren oportunas. As alegacións que se presenten, non se contestarán expresamente de xeito individualizado, aínda que, se é o caso, si se terán en conta para a puntuación definitiva. Nesta relación recolleranse, tamén, as persoas excluídas do proceso e as causas da dita exclusión.

Esta resolución publicarase no taboleiro de anuncios da Xefatura Territorial da Consellería do Mar e na páxina web <http://www.mar.xunta.gal>. A resolución tamén se exporá, con carácter informativo, nos taboleiros de anuncios das Xefaturas Comarcais correspondentes da Consellería do Mar, así como no taboleiro de anuncios da confraría de A Guarda.

O feito de figurar na relación de admitidos non prexulga que se lles recoñeza aos interesados a posesión dos requisitos esixidos no procedemento que se convoca. Cando da documentación que debe presentarse, no caso de superar o proceso selectivo, se desprenda que non posúen algún dos requisitos esixidos, os interesados decaerán en todos os dereitos que puideran derivar da súa participación no procedemento.

III. Listaxe de seleccionados e presentación de documentación

A cualificación do proceso selectivo virá determinada pola suma das puntuacións obtidas nos distintos conceptos baremables.



galicia

XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

No suposto de empate nas puntuacións de dous ou máis aspirantes, este resolverase consonte o disposto na Resolución do 4 de maio de 2016, da Dirección Xeral de Desenvolvemento Pesqueiro.

Rematado o proceso selectivo, a Xefatura Territorial emitirá unha resolución, que será publicada nos mesmos lugares e cos mesmos efectos que os previstos no apartado I.4, coa relación definitiva das persoas que superaron o proceso selectivo por orde de puntuacións acadadas, con indicación do seu documento nacional de identidade, así como aquelas que non o superaron.

Os que non superaron o proceso selectivo, a lista de non seleccionados, constituirá unha lista de reserva. A lista de reserva terá unha vixencia dun (1) ano, que se contará dende o día seguinte á data da resolución definitiva da Xefatura Territorial.

A partir do día seguinte ao da publicación da relación definitiva das persoas que superaron o proceso selectivo, os aspirantes disporán dun prazo de quince (15) días hábiles para a presentación dos seguintes documentos:

a) Certificado de estar empadroadado nun municipio do litoral de Galicia.

A documentación que acredita estar empadroadado nun municipio do litoral de Galicia non será necesario que se presente no caso de consentimento expreso da persoa interesada, para comprobar os datos de residencia mediante consulta ao sistema de verificación de datos dacordo co Decreto 255/2008, do 23 de outubro, e a Orde do 7 de xullo de 2009.

b) Certificado da Seguridade Social de non ser perceptor de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptor da renda de integración social de Galicia.

Esta documentación non será necesario que se presente no caso de asinar o consentimento expreso da persoa interesada para consulta destes datos.

Os perceptores da renda de integración social de Galicia, deberán renunciar a ela no momento da concesión do permiso de explotación.

c) Documentación acreditativa de non estar incapacitado para exercer os labores de marisqueo.

d) Fotocopia compulsada do certificado de percebeiro. Non será necesario presentar esta copia compulsada no caso de asinar o consentimento expreso da persoa interesada para consulta destes datos.

Se os interesados, dentro do prazo fixado, non presentasen a documentación ou do exame desta se deducise que carecen dalgún dos requisitos sinalados na base I.2, entenderase que desisten da súa solicitude.



galicia

XUNTA DE GALICIA

DELEGACION TERRITORIAL DE VIGO
Xefatura Territorial da Consellería do Mar

Neste suposto, emitirase unha nova resolución consonte cos prazos e coa forma contemplados nos parágrafos anteriores, declarando seleccionado/s a/as persoa/s que figuren na lista de non seleccionados.

IV. Outorgamento do permiso de explotación

De acordo co disposto no Decreto 425/1993, do 17 de decembro e a Orde do 30 de decembro de 2015, as persoas seleccionadas que presentaron a documentación dentro do prazo establecido deberán cumprir ademais cos seguintes requisitos para o outorgamento do permiso de explotación:

- a. Non ter sancións firmes en vía administrativa en materia de protección de recursos mariños, pendentes de pagamento.
- b. As persoas que estean en posesión dunha acreditación como tripulante para explotación de percebe ou que sexan armadoras dunha embarcación con modalidades de recursos específicos deberán renunciar a elas no momento do outorgamento do permiso

A xefatura territorial ditará resolución concedendo ou denegando o permiso de explotación para o marisqueo a pé, conforme ao establecido no artigo 6 do Decreto 425/1993, do 17 de decembro de 2013.